

氣尋

採訪、撰文：何志衡
攝影：賴穎嫻
美術：范上威

忌廉哥是首隻香港貓上日本雜誌封面，不過講到去外國發展，小高就解釋：「貓離開住嘅地方會以為主人離棄佢，所以我唔會咁做。」



尖沙咀當然多自由行旅客，拍照之餘喜歡摸忌廉哥，甚至有自由行出價三萬想買走忌廉哥，但小高堅持忌廉為非賣品。



有片睇
facemag.hk
賴穎嫻巴貓

冇錯，長駐尖東士多仔的忌廉哥真係紅過唔少明星，最近仲出咗第三本書《毛優毛球忌廉哥》，嘍模出寫真都未必夠佢多！

不過人怕出名，貓亦怕肥，有自由行見到肥貓會搵嘢篤佢，又有土豪出高價想私有化忌廉哥。肥貓有市，主人小高最近為忌廉哥成立咗慈善基金，救貓又救人，你話幾威，喵！

賑災 「肥貓」都有問題！

忌廉哥搞基金

採訪當日忌廉哥一直霸住收銀機櫃，主人小高話：「每隻忌廉哥想食嘢就會企喺度，由住做生意，唔肯走㗎！」果然好有霸氣。

忌廉哥真係啟發到好多嘢，有啲人話你就好啦小高，有隻忌廉哥，但佢唔明白呢一年嘅經歷，好似啲人影相會阻住做生意，有時撞跌野，我哋都唔會出聲。仲有啲自由行見到會嗌：「大肥貓呀！」佢哋會拎啲嘢去篤忌廉哥，又會搞佢問：「活的還是死啲？」！我哋做生意之餘要提醒唔好摸，人手要多咗，好彩有啲宮女（女粉絲）會嚟錫佢呀，睇住佢，幫手介紹忌廉哥畀外國人識。



忌廉啲家食緊減肥糧，由18磅幾減到17磅，醫生想佢減到15磅左右，到時啲人又覺得佢唔可愛喇，家陣瘦少少靈活咗好多，早幾日仲去捉雀仔添，含住返嚟嚇死我哋！好有個新加坡靚女醫住check住佢健康，定期磅重打防疫針㗎。

忌廉細個喺繁殖場俾人收養，俾其他貓蝦，食都冇啖好食，佢都喺好唔開心嘅環境下長大，到佢跟我開始有人錫喇，又有好多人追捧佢！喺咁出嚟本傳記表面係一本貓書，其實想啟發一下啲年青人受咗挫折，唔需要話放棄自己。

萬寧貓都好hit，有啲人嚟到都認錯忌廉係萬寧貓，但係忌廉哥毛色唔同㗎，貓點會識跳舞吖，搞基金係全數做慈善用途，希望幫助有急需嘅人先，唔一定係幫貓，唔幫人又點會有人有愛心再去幫貓呢？如果將來個基金發展得大，甚至要賑災都有問題，總之幫人幫動物都要。

歲（等於人類55歲）忌廉哥好忙，上週搞完新書宣傳，下月將有個風扇廣告出街，到8月機場博覽館的吹風機展亦商討緊忌廉哥展館，唔知會唔會有大大個忌廉哥吹氣公仔呢！